

Gikinoowaajinaagoziwin-onjibaamigag aakwaadiziwin Gaawiin goweta aawizino wiyyaw

WEGONESH OWI GIKINOOWAAJINAAGOZIWIN-ONJIBAAMIGAG AAKWAADIZIWIN?

Ensa giizhigag, bemaadizijig maampii maziwe kiing waabmdaanaa-aa aakwaadiziwin zaam owi ado gikinoowaajinaagoziwin, gikinoowaajinaagoziwin izhi zhaayawaad, gikinwaajinaagoziwin nisidwaabmjigaademigag maage e'nowenjigaademigag gikinwaajinaagoziwin. Maanda zhinkaademigag gikinoowaajinaagoziwin-onjibaamigag aakwaadiziwin (GBV), dash wiigwa ayaawong maage ezhinaagwog gnumaa woshme aawon e'nendam maage agaazhi noondaman.

Apii makwendamang owi GBV, wewiiba gdo inendamami owi wiyyaa aakwaajiwind zyaagind gwijiikiwin. Dash GBV adaa digosinon kidiwinan, dodamowin maage gajitoongh awii wiisgaapinwind gwaya bkaan bemaadizid wiyyaw, inendamowin maage maazhidoodamwin, manjigwa owi ezhi wiijiikiwendiyeg, wiiji yaang gwaya maage waasamo asabi biwaabikoosingh. Aanowi gwa niibna tenoon dnowaa GBV, gagwech gwa niwiin nikiya aawinon:

INENDAMAN AAKWAADIZIWIN

Kidiwinan maage dodamowinawii awii majjiginad maage zegad gwaya, maage naazhinamaag gdo gichi minendiziwin miinwaa ishpendimowin, maanjigwa iidik kidiwaad maage zhichigeessd nengaach maage gaawii, e'digosingh:

- agwe zegimogowin, dibenjigaaziwin doodamowin, zegimogowin, miinwaa bapinadaagowinawii
- dibashi bagidinigaazad gwaya maage agasenimigowin
- nibo'waawinogowin (waawinjigaazad owa aanji gikinoowaajinaagozid bemaadizid owi ado bimaadizid noziwin), "bkaaneniming" gwaya maage aagonewetwod gwayaa ado gikinoowaajinaagozid nisidwaabmjigaademigag
- onjikewiziwind gwaya newen wiijiikiwewin miinwaa inoodewiziwin

ZHOONYAA ONJI AAKWAADIZIWIN

Apii bemaadizid nikaazad zhoonyaa, dibendaasowinawii, maage debendamang awii majjiginad maage nikaazad gwaya bekaanzid, dibishko gonaa:

- majjiginang dibendaasowinawii dibishko gonaa daabaanan maage zhoonyaa zigakinigewin, owi e'digosingh nikaazad ado zhoonyaa dibiniweziwin
- binajitood owa wiijiikiwewin mazinigewin
- nashkwetood owi ado wiijiikiwewin nakiwiin
- nigaashimaad wiijiikiwewin awii diba-ang ado skooniwid engindemigag
- giishkinang owa wiijiikiwewin zhoonyaa awii yaaminid

WIYYAW AAKWAADIZIWIN

Wegowen gwa enkaazang maage gagwe zegimigowin awii nikaazang wiyyaa mashkowiziwin gwaya bekaanzid, e'digosingh dash gaawii goweta:

- gaanjiwebinogowin, wepidaagowin, digishkaagowin, maage bikwaakoninjiiin nikaazang
- dikobinind gwayaa maage gibaakogaazad
- pagidoong maage biigwigaadeg gego nikaaziwinan
- gigiibiniwebinogowin

MAAZHI-DOODIWIN AAKWAADIZIWIN

Dodamowin owi maazhi-doodiwin aakwaadiziwin adaa zhichigem wegowen gwa gwaya dibigo-iiidig, maanjigwo ezhi nowemaad owi e'zhaabiwiid. Ninda adaa digosinon:

- gagetin maazhi daanginigewin maage doodamowinawii, e'digosinon endodiwin gwaya bekaanzid
- gagwejiitong maage zegimigowin awii debinigaademigag mazhi-doodamowin bwaa bagidinimong
- nendowendaagisinaag bashigwaadiziwin kidiwinan maage gaganji maazhi dodamowin
- maadokiing debendamang bashigwaadiziwin mazinichiginon bwaa bagidinigaademigag
- bimoong biinda-ojigan bwaa bagidinigaademigag

WENESH GEWE E'MADOOKIDAAGWOD OWI GIKINOOWAAJINAAGOZIWIN-ONJIBAAMIGAG AAKWAADIZIWIN?

Kwewog, kwezengag, aanji gikinoowaajinaagozijiig, miinwaa daaswe'gikinoowaajinaagozijiig bemaadizijig memdage maadookidaagaaziwog owi GBV. Maamowi-iing zhinda bemaadizijig, aanin yaawog woshme ishpaamigag niizaanzinawii nakweshkamowaad GBV zaam onji mewisha miinwaa megwaa dibasabigidinigewinawii, dibishko gonaa ezhi gikinwaajinaagoziwin, agosaawaad bkaan gikinoowaajinaagoziwin, agosaawaad aanji gikinoowaajinaagozijiig, oshki digoshinajig gagaandinamaad inaadiziwinawii, eshpigaabiwiijig, bkaan enjigewin, miinwaa dibasenimaawaad memaanjimisiin, e'digosingh:

- Giizhaa Agaa Yaajig kwewog, kwezengag miinwaa 2SLGBTQIA+bemaadizijig
- Makadewizijig kwewog
- oshki digoshinajig kwewog maampii Gaanada
- wiiji kwewan menwenimaajig, wiiji ninoon menwenimaajig, niish jichaag miinwaa bemaadizijig bkaan maazhi-doodamowin mensendamowaad dash owi kwe miinwaa nini minwendiwii
- kwewog endaajig odi Giwedonong, zaagiji odena, miinwaa bigodkamig etegin odewinawii
- kwewog maakizijig

AANIISH OWI GIKINOOWAAJINAAGOZIWIN-ONJIBAAMIGAG AAKWAADIZIWIN EZHI MADOOKIDAAGIYAAN?

Endagwen gwa gagwek agii nakweshkiman maage gaawii, GBV megwaach gwa agii madookidaagagimigad gdo bimaadiziwin. GBV ado ayaan gichi gnesh endodaagemigag owi gikina aanke bimaadizijig, zhitomigag biimskobidemigag owi gopaji-iwewin miinwaa aakwaadiziwin megwe inoodewiziwinan miinwaa odewinawii. Gikinoowaajinaagoziwin-onjibaamigag aakwaadiziwin nigaashimigwon kina gwaya.

WEGNESH AGE ZHICHIGE-AAMBAA AWII NIGAASIDO'AAN GIKINOOWAAJINAAGOZIWIN-ONJIBAAMIGAG AAKWAADIZIWIN?

Owi GBV awii ekwaasemigag, aabdek gwii nisidiwinaanaa miinwaa gikendaanaa owi aakwaadiziwin age zhinaagwog, miinwaa ezhi aasgaabiwitwind gwaya agaa madookidaagwod owi GBV. Aabdek gwaa bizindawaanaag e'zhaabiwiijig miinwaa gaawii aga bigijibwebnaaziinaanin doodamowinawii owi GBV aawong "ngoding goweta" maage "goweta kidiwinan". Aabdek gwii maamowi nakiimi, zaam owi gikinoowaajinaagoziwin-onjibaamigag aakwaadiziwin gaawii wiikaa gego goweta aawizino – aawon aakwaadiziwin.

**GIKINOOWAAJINAAGOZIWIN-ONJIBAAMIGAG AAKWAADIZIWIN GAAWII WIKAA GAGWEK AAWIZINO.
MAKWENDAN OWI WAASAMO-ASABI MAZINA-IGAN TEMIGAD GOWETA ZHAAGINAASHIIMIWIN MIINWAA WEMITIIGOZHIMIWIN.**

[CANADA.CA/ITSNOTJUST](https://canada.ca/itsnotjust)

[CANADA.CA/CENESTPASJUSTE](https://canada.ca/cenestpasjuste)